



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o davanju saglasnosti za suosnivanje**  
**Evropskog ogranka asocijacije „Gradonačelnici za mir“**  
**(Prijedlog)**

**Predlagač:** Gradonačelnica  
**Obradivač:** Stručna Služba gradonačelnice  
Grada Sarajeva

**Sarajevo, oktobar 2021. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. i člana 87. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), a u vezi s članom 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Gradsko vijeće Grada Sarajeva, na sjednici održanoj \_\_.\_\_. 2021. godine, donijelo je:

(Prijedlog)

**Odluku  
o davanju saglasnosti za suosnivanje Evropskog ogranka asocijacije  
„Gradonačelnici za mir“**

**Član 1.**

Ovom Odlukom daje se saglasnost da Grad Sarajevo bude jedan od osnivača Evropskog ogranka asocijacije „Gradonačelnici za mir“ i da gradonačelnica Grada Sarajeva bude zakonski zastupnik.

**Član 2.**

Evropski ogranak uspostavlja se potpisivanjem osnivačkog dokumenta Evropskog ogranka asocijacije „Gradonačelnici za mir“ od strane gradova: Sarajevo (Bosna i Hercegovina), Granollers (Španija), Manchester (Velika Britanija), Hannover (Njemačka), Ypres (Belgija), Malakoff (Francuska), Biograd na Moru (Hrvatska), Cervia (Italija) i Grigny (Francuska).

**Član 3.**

Gradonačelnica Grada Sarajeva ovlaštena je da u ime Grada Sarajeva potpiše *osnivački dokument*, po stupanju na snagu ove odluke.

**Član 4.**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

Broj:  
Sarajevo,

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. i članu 87. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojima je propisano da Gradsko vijeće donosi odluke, druge propise i opće akte i daje njihovo tumačenje, odnosno da Grad Sarajevo može pristupati međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom, te da odluku o pristupanju udruženjima, odnosno ostvarivanju saradnje donosi Gradsko vijeće, kao i u članu 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09) kojim je propisano da gradonačelnica za ugovore iz oblasti međunarodne saradnje mora pribaviti saglasnost Gradskog vijeća, u skladu s Ustavom, Zakonom i Statutom.

### RAZLOZI DONOŠENJA

„Gradonačelnici za mir“ su svjetska asocijacija gradova (u daljem tekstu: Asocijacija) koja je posvećena ostvarenju mira i razoružanja s posebnim naglaskom na uklanjanju nuklearnog oružja. Mreža ima podršku više od 7900 gradova članova iz 164 zemlje i regije iz čitavog svijeta koji predstavljaju više od 1 milijarde ljudi.

Grad Sarajevo je član Asocijacije od 2004. godine, a u junu 2015. godine imenovan je za vodeći grad u BiH koji će promovirati aktivnosti prilagođene regionu.

Aktivnosti Asocijacije definisane su u skladu s Agendom za održivi razvoj UN-a 2030, posebno s ciljem 11 („Učiniti gradove i ljudska naselja održivim“), ciljem 16 („Promocija mirnih, inkluzivnih i pravednih društava“) te ciljem 17 („Jačanje partnerstava i umrežavanje radi ostvarenja ciljeva“).

Asocijaciju predvodi Grad Hirošima koji trenutno ima funkciju predsjedavajućeg Grada Asocijacije. Sjedište međunarodnog sekretarijata, također, se nalazi u Hirošimi.

Predsjedavajući grad Hirošima izabrao je 27 vodećih gradova kako bi zajedno s međunarodnim sekretarijatom omogućili nesmetan rad i razvoj organizacije.

U posljednjem akcionom planu za 2017.-2021. godinu, koji je usvojen na Generalnoj skupštini održanoj u Nagasakiju 2017. godine, određen je niz primarnih ciljeva, uključujući: „podršku aktivnom djelovanju gradova lidera“ i „jačanje regionalnih grupa u cilju promocije konkretnih aktivnosti u svakoj od regija“.

U skladu s ovim ciljevima i u svrhu promocije konkretnih aktivnosti u regijama i osnaživanja uloge lokalnih vlasti u izgradnji mirnijih društava širom kontinenta, na posebnom sastanku vodećih evropskih gradova Asocijacije, koji je održan u Hannoveru 04.11.2019. godine, dogovoreno je da će evropski vodeći gradovi osnovati Evropski ogranak asocijacije „Gradonačelnici za mir“, čiji će predsjednik biti gradonačelnik Granollersa (Kraljevina Španija), a potpredsjednik gradonačelnik Manchestera (Velika Britanija).

Ured Evropskog ogranka bit će u Granollersu, a Provincijsko vijeće Barcelone osiguralo je finansijska sredstva za period 2020.-2024. godine.

Predsjedavajući grad Hirošima i međunarodni sekretarijat imat će vitalnu ulogu u radu evropskog ogranka. Gradovi članovi ogranka bit će u stalnoj komunikaciji s međunarodnim sekretarijatom i blisko saradivati s njim i izvještavati ga o odlukama i aktivnostima koje provode na svom području.

Aktivnosti će biti u skladu s podzakonskim aktima, planom aktivnosti i strategijom organizacije. Izvršni gradovi iz Evrope radić će *in bona fide* na promociji aktivnosti na svom području kako bi doprinijeli ostvarenju globalnih ciljeva organizacije, s fokusom na konkretne probleme i potrebe svog kontinenta u cilju ostvarenja šireg utjecaja kao svjetski pokret gradova za promociju ljudskih prava, globalne pravde i mira.

Evropski ogranak sačinjavat će evropski vodeći gradovi Asocijacije: Sarajevo (Bosna i Hercegovina), Granollers (Španija), Manchester (Velika Britanija), Hannover (Njemačka), Ypres (Belgija), Malakoff (Francuska), Biograd na Moru (Hrvatska), Cervia (Italija) i Grigny (Francuska).

Ciljevi ove grupe su doprinos ostvarenju trajnog svjetskog mira podizanjem svijesti među građanima svijeta o potrebi potpunog ukidanja nuklearnog oružja putem solidarnosti između gradova članova te ulaganjem napora za rješavanje ključnih problema čovječanstva, kao što su glad i siromaštvo, izbjeglice, kršenja ljudskih prava i uništavanje okoliša.

Obaveze Grada Sarajeva prema Statutu su: promocija aktivnosti u regiji čiji je cilj ostvarenje ciljeva asocijacije, prisustvovanje sastancima ogranka, učestvovanje u radu radne grupe, plaćanje godišnje članarine u iznosu od 100 eura. Članarina će se iskoristiti za podršku ogranku i njegovim aktivnostima, a pored toga ogranak će finansijski podržavati Provincijsko vijeće Barcelone, jer je ukupan iznos članarina minimalan.

Pismom namjere od 27.05.2021. godine, gradonačelnica Grada Sarajeva izrazila je spremnost da aktivno saraduje s drugim izvršnim gradovima na promociji mira i unaprjeđenju sigurnosti u svijetu putem članstva u Evropskom ogranku asocijacije „Gradonačelnici za mir“.

U prilogu prijedloga Odluke o davanju saglasnosti za osnivanje Evropskog ogranka asocijacije „Gradonačelnici za mir“ nalazi se neoficijelni prijevod osnivačkog akta i Statuta Evropskog ogranka „Gradonačelnici za mir“.

## **SREDSTAVA ZA PROVOĐENJE ODLUKE**

Sredstva za provođenje ove odluke se osiguravaju u Budžetu Grada Sarajeva.

OSNIVAČKI DOKUMENT EVROPSKOG OGRANKA „GRADONAČELNICI ZA MIR“

Okupljeni putem videokonferencije u skladu s članom 40 Kraljevskog dekreta - Zakona 8/2020 od 17. marta o izvanrednim hitnim mjerama za suzbijanje ekonomskih i socijalnih posljedica COVID-19 dana \_\_\_\_ u \_\_\_\_ dole navedena lica:

1. Gradsko vijeće Grada Hannovera (Odluka Gradskog vijeća)

Državljanstvo: njemačko, broj LK \_\_\_\_\_ adresa poštanski broj \_\_\_\_\_ Općina/Grad Hannover, \_\_\_\_\_ kojeg predstavlja gradonačelnik Belit Onay \_\_\_\_\_

2. Grad Ieper

Državljanstvo belgijsko \_\_\_\_\_ Grad Ieper, \_\_\_\_\_, kojeg predstavlja gradonačelnik Iepera Emmily Talpe, državljanstvo: \_\_\_\_\_

3. Gradsko vijeće Malakoffa

Državljanstvo francusko \_\_\_\_\_ grad Malakoff, \_\_\_\_\_ kojeg predstavlja: gradonačelnica Malakoffa Jacqueline Belhomme-Dupont, \_\_\_\_\_

4. Gradsko vijeće Manchestera

Državljanstvo britansko \_\_\_\_\_ Grad Manchester, šira gradska regija Manchester, Ured grada, \_\_\_\_\_ kojeg predstavlja gradonačelnik Manchestera Thomas Judge, \_\_\_\_\_

5. Grad Sarajevo

Državljanstvo bosanskohercegovačko br LK \_\_\_\_\_ adresa poštanski broj 71 000 Grad Sarajevo, Kanton Sarajevo, Hamdije Kreševljakovića 3, kojeg predstavlja gradonačelnica Sarajeva Benjamina Karić, državljanstvo bosanskohercegovačko, br LK, s adresom poštanski broj \_\_\_\_\_ 71 000, Općina/Grad Sarajevo, Kanton Sarajevo/ Hamdije Kreševljakovića br.3

6. Biograd na Moru

Državljanstvo hrvatsko \_\_\_\_\_ Grad Biograd na Moru, \_\_\_\_\_ kojeg predstavlja gradonačelnik Biograda na Moru \_\_\_\_\_

7. Grad Granollers

Državljanstvo špansko \_\_\_\_\_ Granollers, Provincija Barcelona \_\_\_\_\_ Josep Mayoral Antigas \_\_\_\_\_

8. Gradsko vijeće Cervije

Državljanstvo: \_\_\_\_\_ gradonačelnik Cervije Massimo Medri, državljanstvo \_\_\_\_\_

9. Gradsko vijeće Grignya

Državljanstvo francusko \_\_\_\_\_ kojeg predstavlja gradonačelnik Grignya Rio Philippe \_\_\_\_\_

**Saglasni su i odlučili su:**

1. Osnovati asocijaciju, pod nazivom Evropski ogranak „Gradonačelnici za mir“, u skladu sa Zakonom 1/2002 od 22. marta, kojim se propisuje pravo udruživanja
2. Asocijacija funkcionira kao radna grupa evropskog odjela „Gradonačelnici za mir“ (<http://mayorsforpeace.org/english/>). Cilj ove grupe je dati doprinos ostvarenju trajnog svjetskog mira putem podizanja svijesti među građanima svijeta o potrebi potpunog ukidanja nuklearnog oružja putem solidarnosti između gradova članova, te ulaganjem napora za rješavanje ključnih problema čovječanstva, kao što su glad i siromaštvo, izbjeglice, kršenja ljudskih prava i uništavanje okoliša.
3. Usvojiti Statut koji je sastavni dio ovog osnivačkog akta, kao aneks, kojim se definira način upravljanja Asocijacijom, koji je pročitao i jednoglasno usvojen od strane prisutnih lica.
4. Imenovati Upravni odbor Asocijacije, u sljedećem sastavu:

## PREAMBULA

„Gradonačelnici za mir“ su svjetska organizacija gradova posvećena ostvarenju mira i razoružanja s posebnim naglaskom na uklanjanju nuklearnog oružja. Mreža ima podršku više od 7900 gradova članova iz 164 zemlje i regije iz čitavog svijeta, koji predstavljaju više od 1 milijarde ljudi. Aktivnosti organizacije definirani su u skladu s Agendom za održivi razvoj UN-a 2030, posebno s ciljem 11 („Učiniti gradove i ljudska naselja održivim“), ciljem 16 („promocija mirnih, inkluzivnih i pravednih društava“), te ciljem 17 („jačanje partnerstava i umrežavanje radi ostvarenja ciljeva“).

Svjetsku organizaciju „Gradonačelnici za mir“ predvodi grad Hirošima, koji trenutno ima funkciju predsjedavajućeg grada organizacije. Sjedište međunarodnog sekretarijata također se nalazi u Hirošimi, i u skladu s podzakonskim aktima ima dva upravna tijela:

Generalna konferencija, na kojoj sudjeluju svi gradovi članovi, na kojoj se odobrava i odlučuje o pitanjima koja se odnose na organizaciju. Održava se svake četiri godine naizmjenično u Hirošimi i Nagasakiju.

Izvršna konferencija, na kojoj sudjeluju izvršni gradovi i na kojoj se razmatraju i predlažu inicijative i aktivnosti uoči iduće generalne skupštine. Održava se svake dvije godine u jednom od izvršnih gradova.

Hirošima, kao predsjedavajući grad izabrao je 27 izvršnih gradova – od kojih su 14 gradovi potpredsjednici – kako bi zajedno s međunarodnim sekretarijatom omogućili nesmetan rad i razvoj organizacije.

Predsjedavajući i izvršni grad
Hirošima

Potpredsjednici i izvršni gradovi	Izvršni gradovi
Nagasaki	Bangkok
Hannover	Fremantle
Volgograd	Sarajevo
Malakoff	Semey
Muntinlupa	Cochin
Manchester	Montreal
Ypres	Wellington
Biograd na Moru	Santos
Granollers	Cartago
Halabja	Teheran
Fongo-Tongo	Grigny
Mexico City	Cervia
Frogn	
Des Moines	

Gradovi označeni zelenom bojom, također, su gradovi lideri, tj. zaduženi su za regionalni ogranak u svojoj zemlji i imaju ulogu lidera u promociji aktivnosti u svojoj regiji.

U posljednjem akcionom planu za 2017.-2021., koji je usvojen na Generalnoj skupštini održanoj u Nagasakiju 2017., određen je niz primarnih ciljeva, uključujući: „podršku aktivnom djelovanju gradova lidera organizacije“ i „jačanje regionalnih grupa u cilju promocije konkretnih aktivnosti u svakoj od regija“. U skladu s ovim ciljem, i u svrhu promocije konkretnih aktivnosti u regijama i osnaživanja uloge lokalnih vlasti u izgradnji mirnijih društava širom kontinenta, izvršni gradovi u Evropi su se reorganizirali kako bi ispunili ovaj zadatak i odlučili osnovati Evropski ogranak „Gradonačelnici za mir“, čija se struktura nalazi ispod.

Evropski ogranak će sačinjavati evropski izvršni gradovi svjetske organizacije „Gradonačelnici za mir“: Hannover (Njemačka), Volgograd (Rusija), Malakoff (Francuska), Manchester (Velika

Britanija), Ypres (Belgija), Biograd na Moru (Hrvatska), Granollers (Španija), Frogn (Norveška), Sarajevo (Bosna i Hercegovina), Grigny (Francuska) i Cervia (Italija). Ovi gradovi radit će u skladu s predsjedavajućim gradom Hirošimom i međunarodnim sekretarijatom, koji će biti odgovoran za nadzor i odobravanje aktivnosti koje se promoviraju u regiji. Isto tako, gradovi iz regije će poduzimati aktivnosti *in bona fide* u saradnji s misijom i vizijom organizacije. Kao gradovi lideri svoje regije, ovi gradovi će također usmjeravati i upravljati državnim ograncima u svojoj zemlji. U skladu s tim, gradove članove iz Evrope predstavljat će izvršni grad /grad lider iz njihove zemlje i tehnički sekretarijat Evropskog ogranka.

Predsjedavajući grad Hirošima i međunarodni sekretarijat imat će vitalnu ulogu u radu evropskog ogranka. Gradovi članovi ogranka bit će u stalnoj komunikaciji s međunarodnim sekretarijatom, i blisko surađivati s njim i izvještavati ga o odlukama i aktivnostima koje provode na svom području. Aktivnosti će biti u skladu s podzakonskim aktima, planom aktivnosti i strategijom organizacije. Izvršni gradovi iz Evrope radit će *in bona fide* na promociji aktivnosti na svom području kako bi doprinijeli ostvarenju globalnih ciljeva organizacije, s fokusom na konkretne probleme i potrebe svog kontinenta u cilju ostvarenja šireg utjecaja kao svjetski pokret gradova za promociju ljudskih prava, globalne pravde i mira.

Osnivanje ove asocijacije odraz je želje da se nastavi umrežavanje i ujedine naponi za promociju mira i ljudskih prava koje ulažu lokalne vlasti kako bi ostvarile pravedniji, mirniji i održiviji svijet.

Gradovi članovi iz Evrope koje imenuje Hirošima nakon osnivanja ove asocijacije mogu joj se pridružiti nakon odobrenja Generalne skupštine i Izvršnog Odbora Evropskog ogranka.

Ispod navedenim pravnim podzakonskim aktima regulirano je upravljanje evropskim ogrankom „Gradonačelnici za mir“, uloga leaderskog ili izvršnog grada za Evropu, i aktivnosti vezane za promociju kulture mira na kontinentu.

## PODZAKONSKI AKTI ASOCIJACIJE

### ***POGLAVLJE I. IME, SJEDIŠTE I PODZAKONSKI AKTI***

#### **Član 1.**

Ovim podzakonskim aktom uspostavlja se neprofitna asocijacija s pravnim statusom i u punom kapacitetu na koju će se primjenjivati španski zakoni. Naziv asocijacije je Evropski ogranak „Gradonačelnici za mir“ ( u daljnjem tekstu „Asocijacija“).

Registrirani ured Asocijacije nalazi se u **Plaça de la Porxada 6, Granollers, provincija Barcelona, Španija.**

Asocijacija će biti evropska mreža općina u obliku međunarodne neprofitne organizacije, bez političkih i vjerskih afilijacija.

Asocijacija je uspostavljena na neodređeno vrijeme i njeno područje djelovanja je evropska regija.

### ***POGLAVLJE II. CILJEVI***

#### **Član 2. Misija**

Misija asocijacije je:

Predstavljanje lokalnih vlasti na evropskom kontinentu i pred međunarodnom zajednicom, promocija njihovih vrijednosti, ciljeva i interesa putem saradnje između članova, pod uvjetom da se odnose na promociju mira i suživota.

Asocijacija je nastala kao Evropski ogranak radne grupe „Gradonačelnici za mir“ (<http://www.mayorsforpeace.org/english/>). Ciljevi ove grupe su doprinijeti ostvarenju trajnog svjetskog mira na sljedeći način: podizanjem svijesti među građanima svijeta o potrebi potpunog ukidanja nuklearnog oružja putem solidarnosti među gradovima članovima; i traganjem za rješenjima vitalnih problema čovječanstva kao što su glad i siromaštvo, izbjeglice, kršenja ljudskih prava i uništavanje okoliša.



### **Član 3. Ciljevi**

Kako bi ispunili svoju misiju, Asocijacija je postavila sljedeće ciljeve:

- a. Voditi kampanje za nuklearno razoružanje, s naglaskom na sigurnost u Evropi.
- b. Promocija ključnih tema vezanih za 16. cilj održivog razvoja UN-a („promoviranje pravednog, mirnog i uključivog društva“) i druge slične ciljeve.
- c. Stvaranje bolje definiranog identiteta u Evropi putem strategije za komunikacije i utjecaj
- d. Povećanje broja gradova članova u Evropi i jačanje njihovog aktivnog angažmana.
- e. Izgradnja čvrste, dugoročno održive strukture u Evropi.
- f. Davanje glasa evropskim općinama kada je riječ o promociji mira i suživota.
- g. Jačanje jedinstva i saradnje između članova.
- h. Promocija aktivnosti povezanih s kampanjama „Gradonačelnika za mir“ i pronalaženje novih načina za rad ovoj oblasti.
- i. Jačanje angažmana i sinergije s tijelima i institucijama koje rade u oblasti mira i razoružanja u regiji .
- j. Garantirati efikasno predstavljanje lokalnih vlasti pred međunarodnom zajednicom, posebno kada je riječ o ciljevima održivog razvoja Ujedinjenih naroda i njegovih agencija, posebno ciljevima 11., 16. i 17.
- k. Osmišljavanje politika, programa i inicijativa u okviru misije, ciljeva i vrijednosti „Gradonačelnika za mir“, što podrazumijeva pronalaženje odgovarajućih metoda koje će omogućiti njihovo provođenje u skladu s internim pravilima Asocijacije.
- l. Osiguravanje pravnog statusa kako bi se provedi gore navedeni ciljevi.
- m. Poticanje saradnje s UNESCO-om na edukativnim programima za kulturu mira i nenasilja, u skladu s Seviljskom deklaracijom o nasilju, Manifestu 2000. za kulturu mira i nenasilja i 8. Akcionih oblasti za kulturu mira.

### **Član 4. Aktivnosti**

Kako bi ostvarili gore navedene ciljeve, Asocijacija će raditi na navedenim aktivnostima:

- Edukativne aktivnosti i aktivnosti podizanja svijesti o gore navedenim ciljevima.
- Umrežavanje s različitim akterima.
- Događaji, izložbe, sastanci, predavanja, okrugli stolovi, rekreativne aktivnosti, seminari i čitav niz aktivnosti povezanih s kulturom mira.
- Publikacije, audiovizualne prezentacije i čitav niz aktivnosti povezanih s kulturom mira.
- Promocija kreiranja foruma za refleksiju.
- Ostvarenje utjecaja na agende javnog sektora na način da kultura mira postane način za sprječavanje sukoba.
- Medijacija u konfliktnim situacijama.
- Drugi zadaci u vezi s gore navedenim.

### **Član 5. Poštivanje principa međunarodnog prava i odluka „Gradonačelnici za mir“**

U okviru ispunjavanja svoje misije, ciljeva i aktivnosti, Asocijacija će djelovati u skladu s principima međunarodnog prava i uputa Radne grupe „Gradonačelnici za mir“.

## ***POGLAVLJE III. ČLANOVI, PROCEDURA PRIJEMA, PRAVA I OBAVEZE, OSNOVI ZA GUBITAK ČLANSKOG STATUSA***

### **Član 6.**

Sljedeći uslovi moraju biti ispunjeni da bi se postalo član Asocijacije:

- Biti grad član „Gradonačelnici za mir“.
- Biti grad smješten u evropskoj geografskoj regiji.
- Biti imenovan izvršnim gradom od strane „Gradonačelnici za mir“.

Bilo koji grad koji ispunjava gore navedene uslove treba ispuniti službenu aplikaciju za članstvo u Asocijaciji.

Aplikacije za članstvo moraju biti razmatrane od strane Generalne skupštine i Izvršnog odbora, čija je dužnost da provjere da kandidati ispunjavaju uslove za prijem u članstvo. Svi kandidati se obavezuju da će podržavati „Gradonačelnike za mir“ i pridržavati se njihove misije, vizije i ciljeva.

Procedura prijema je sljedeća:

1. Aplikacija za prijem mora biti ispunjena od strane nadležnog tijela od kojeg će se tražiti da imenuje predstavnika lokalne vlasti koja je aplicirala za prijem.
2. Da bi se priključili Asocijaciji, relevantna lokalna vlast mora biti uključena u „Gradonačelnici za mir“ i/ili predati aplikaciju u pisanoj formi Izvršnom odboru, koji će donijeti odluku u vezi aplikacije na prvom idućem sastanku i dostaviti blagovremenu obavijest o tome na idućoj Generalnoj skupštini.

#### **Član 7.**

Članovi mogu sudjelovati u aktivnostima i programima organizacije i oni će imati pristup, pod istim uslovima, informacijama, podacima i dokumentaciji o pitanjima lokalnih vlasti i aktivnostima organizacije. Konkretno, oni će imati sljedeća prava:

- a. Prisustvovati sastancima Generalne skupštine s pravom glasa i glasanja.
- b. Birati članove koji će obavljati funkciju predstavnika ili menadžera Asocijacije između članova Asocijacije.
- c. Svaki član može biti kandidat na izborima za poziciju predstavnika ili poziciju menadžera Asocijacije.
- d. Obavljati funkciju predstavnika koja im je povjerena u svakoj situaciji.
- e. Uključiti se u upravljanje, djelovanje, usluge i aktivnosti Asocijacije u skladu s pravnim propisima i podzakonskim aktima.
- f. Prezentirati Generalnoj skupštini i Izvršnom odboru sva pitanja za koje smatraju da mogu doprinijeti uspjehu Asocijacije i omogućiti joj veću učinkovitost u ostvarenju osnovnih društvenih ciljeva.
- g. Tražiti i dobiti informacije u vezi administracije i menadžmenta Izvršnog odbora ili drugih aktera Asocijacije.
- h. U slučaju disciplinskog postupka, članovi Asocijacije imaju pravo izraziti svoje mišljenje prije usvajanja disciplinskih mjera.
- i. Svi članovi imaju pravo dobivati informacije o aktivnostima Asocijacije.
- j. Svi članovi imaju pravo koristiti zajedničke usluge koje je Asocijacija uspostavila ili učinila dostupnim.
- k. Članovi mogu biti dio radne grupe u skladu s uslovima koje je odredio Izvršni odbor.
- l. Dobiti ažurirani primjerak podzakonskih akata Asocijacije.

#### **Član 8.**

Članovi Asocijacije imaju sljedeće obaveze:

- a. Pridržavati se podzakonskih akata, i pravila Asocijacije, kao i pravila koja donesu „Gradonačelnici za mir“.
- b. Sudjelovati u aktivnostima Asocijacije u skladu sa svojim mogućnostima, i obavezati se na poštivanje ciljeva Asocijacije.
- c. Rukovoditi se i poštivati odluke pravomoćno donesene od strane upravnih i predstavničkih tijela Asocijacije.
- d. Blagovremeno uplaćivati godišnju članarinu.

#### **Član 9.**

Članovi imaju za cilj pružati podršku, promovirati i usvojiti misiju, vrijednosti i ciljeve asocijacije, „Gradonačelnici za mir“.

#### **Član 10.**

Bilo koji član može zatražiti napuštanje svog statusa u bilo kojem trenutku. Da bi to učinili, oni će Izvršnom odboru dostaviti pisanu obavijest sa svojim namjerama, najmanje šest mjeseci unaprijed. Tokom navedenog razdoblja, član će i dalje biti obavezan plaćati sve dospjele naknade, uključujući proporcionalni udio relevantnih troškova.

#### **Član 11.**

Bez obzira na odredbe prethodnih članova, dolje navedeno će predstavljati osnovu za oduzimanje statusa člana:

1. Isključivanje od strane Asocijacije zbog ozbiljnih ili vrlo ozbiljnih razloga, temeljem odredbe članova 38. i 39. ovih podzakonskih akata.
2. Kad član više nije član asocijacije „Gradonačelnici za mir“.
3. Nepoštivanje obaveza utvrđenih podzakonskim aktima.

### ***POGLAVLJE IV. STRUKTURA UPRAVLJANJA***

#### **Član 12.**

Upravljanje Asocijacijom provodit će:

- a. Generalna skupština,
- b. Izvršni odbor,
- c. Predsjedavajući,
- d. Zamjenik predsjedavajućeg,
- e. Blagajnik,
- f. Sekretar.

### ***GENERALNA SKUPŠTINA***

#### **Član 13.**

Generalna skupština je najviši organ Asocijacije, a njeni članovi su stranke u njoj sa neovisnim, neotuđivim pravom. Odgovorna je za sve zadatke, upravljanje i kontrolu organizacije.

Članovi Asocijacije će odlučiti glasovima većine o tačkama koje su u nadležnosti Skupštine, uz prisustvo na zakonito sazvanoj Generalnoj skupštini.

Svi članovi su vezani rezolucijama Generalne skupštine, uključujući odsutne članove, članove koji se ne slažu i prisutne članove koji se suzdržavaju od glasanja.

#### **Član 14. Ovlasti**

Generalna skupština imat će sljedeće ovlasti:

- a. Odobriti, ako je primjenjivo, upravljanje od strane upravnog tijela, proračun i finansijske izvještaje.
- b. Birati i uklanjati članove upravnog tijela i nadgledati njegove aktivnosti.
- c. Izmijeniti i dopuniti podzakonske akte, kako je ovdje navedeno.
- d. Odlučiti o metodi i iznosu doprinosa za finansiranje Asocijacije ili za plaćanje njenih troškova, uključujući doprinose kapitalu Asocijacije.
- e. Odlučiti o transformaciji, spajanju, izdvajanju ili raspuštanju Asocijacije, kako je navedeno u odgovarajućim članovima.
- f. Donijeti rezoluciju o pridruživanju ili napuštanju federacija ili konfederacija.
- g. Podnijeti zahtjev za deklaraciju od javnog interesa.
- h. Odobriti interne propise i sve njihove izmjene i dopune.
- i. Uzeti u obzir zahtjeve koje su podnijeli njeni članovi, kao i svaki prijem i povlačenje iz bilo kojih razloga, izuzev neopozivog napuštanja.

- j. Ratificirati, ako je primjenjivo, disciplinski opoziv i druge kazne koje je Izvršni odbor izrekao zbog vrlo ozbiljnih prekršaja.
- k. Rješavanje bilo kojih predmeta koji ne spadaju u izričitu nadležnost bilo kojeg drugog organa Asocijacije.

#### **Član 15. Struktura**

Generalnu skupštinu čine svi članovi koji pripadaju Asocijaciji, putem njihovih propisno imenovanih predstavnika, uz odgovarajuću potvrdu.

#### **Član 16. Sastanci**

1. Generalna skupština će održati redovni sastanak najmanje jednom godišnje kako bi odobrila, ako je primjenjivo, upravljanje od strane upravnog tijela, proračun i finansijske izvještaje. Sastanak će se održati u roku od šest mjeseci nakon kraja finansijske godine.
2. Generalna skupština održat će vanredni sastanak u sljedećim okolnostima:
  - Kada upravno tijelo to smatra primjerenim.
  - Kada 10% članova to zatraži, a u tom će se slučaju Generalna skupština obavezno održati u roku od 30 dana nakon zahtjeva.
3. Generalna skupština sazvat će se valjano bez obzira na broj prisutnih članova ili članova koje neko zastupa.

#### **Član 17. Poziv**

Upravno tijelo sazvat će Generalnu skupštinu najmanje devedeset dana prije datuma predviđenog za sastanak. Poziv se izdaje u pisanom obliku i šalje na registriranu adresu svakog člana ili putem drugih medija, uključujući i elektronski.

#### **Član 18. Agenda**

1. Skup članova koji predstavljaju najmanje 10% glasova Asocijacije mogu zatražiti od upravnog tijela da uvrsti jednu ili više tačaka u dnevni red Generalne skupštine. Ako je već sazvana, zahtjev će se podnijeti u prvoj trećini perioda između primanja poziva i predviđenog datuma sastanka, tako da svi članovi mogu biti obaviješteni o dodatku dnevnom redu, osim ako nije sazvan plenarni sastanak ili se rezolucije odnose na sazivanje nove Generalne skupštine.
2. Ako je cilj Generalne skupštine podnijeti poziv na odgovornost protiv članova upravnog tijela ili tražiti njihovo uklanjanje s položaja, sazvat će se vanredno zasjedanje Generalne skupštine koja uključuje ovu tačku kao jedinu tačku dnevnog reda.

#### **Član 19. Sazivanje Generalne skupštine**

1. Generalna skupština valjano će se sazvati s najmanje pet prisutnih ili članova koje neko zastupa.
2. Položaj predsjedavajućeg i sekretara Generalne skupštine obnašat će osobe koje su na tim položajima u upravnom tijelu. Ako predsjedavajući nije prisutan, spomenutu će osobu sukcesivno zamijeniti zamjenik predsjedavajućeg ili najstariji član sastanka.
3. Sekretar sastavlja zapisnik sa svakog sastanka koji potpisuje navedena osoba zajedno sa predsjedavajućim. Zapisnik sadrži isječak rasprava, tekst usvojenih rezolucija, brojčani ishod glasanja i popis prisutnih. Na početku svakog zasjedanja Generalne skupštine čitaju se zapisnici s prethodnog zasjedanja kako bi se mogli odobriti ili izmijeniti. Pet dana prije, zapisnici i sva druga dokumentacija bit će dostupni članovima u sjedištu.

#### **Član 20. Pravo glasanja i usvajanje rezolucija**

1. Svaki član ima jedan glas u Generalnoj skupštini.
2. Ako se sumnja u glasačka prava bilo kojeg člana zbog potencijalnog sukoba interesa s Asocijacijom, na Generalnoj skupštini donijet će se odluka o ovom pitanju zasebnim i, ako je primjenjivo, tajnim glasanjem.
3. Rezolucije se donose natpolovičnom većinom članova koji su prisustvovali sastanku.